



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 8 23 0000167013



13/02/2023

შპს ქართულ-ამერიკული უნივერსიტეტის „ქართული ფილოლოგიის“ საბაკალავრო საგანმანათლებლო პროგრამის აკრედიტაციის თაობაზე

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ.

1.3. „აკრედიტაციის დებულების“ 27 - ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მამიებელს მისცეს რეკომენდაციები.

1.4. აკრედიტაციის დებულების 27⁵ მე-7¹ პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) წარმოდგენილ იქნა შპს ქართულ-ამერიკული უნივერსიტეტის 2022 წლის 26 აგვისტოს №195 წერილი (ცენტრში რეგისტრაციის - №952797) "ქართული ფილოლოგიის" საბაკალავრო საგანმანათლებლო პროგრამის აკრედიტაციის თაობაზე.

2.2. ცენტრის დირექტორის 2022 წლის 28 სექტემბრის № 1174493 ბრძანების საფუძველზე, შპს ქართულ-ამერიკული უნივერსიტეტი ცნობილ იქნა აკრედიტაციის მაძიებლად. ცენტრის 2022 წლის 16 ნოემბრის № 1461230 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი „ქართული ფილოლოგიის“ საბაკალავრო საგანმანათლებლო პროგრამის შეფასების მიზნით განახორციელა 2022 წლის 24 ნოემბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		•		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	•			
3. სტუდენტთა მიღწევები, მათთან ინდივიდუალური მუშაობა	•			
4. სწავლების რესურსებით უზრუნველყოფა	•			
5. სწავლების ხარისხის განვითარების შესაძლებლობები	•			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 03 თებერვალს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის,

ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა დასკვნაში დაფიქსირებული შეფასება.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის № 223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 13 ხმით არცერთის წინააღმდეგ,

გადაწყვიტა:

1. დაკმაყოფილდეს შპს ქართულ-ამერიკული უნივერსიტეტის მიერ წარმოდგენილი სააკრედიტაციო განაცხადი და დანართი № 1-ით გათვალისწინებულ „ქართული ფილოლოგიის“ საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით აკრედიტაცია, 1 წელიწადში რეკომენდაციების შესრულების თაობაზე ანგარიშის წარმოდგენის პირობით.
2. ცნობილ იქნას აკრედიტაციის ექსპერტთა ჯგუფის დასკვნა „ქართული ფილოლოგიის“ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი № 2).
3. ცნობილ იქნას საბჭოს 2023 წლის 13 თებერვლის სხდომის №166274 ოქმის № 01 ნაწილი ამ გადაწყვეტილების განუყოფელ ნაწილად (დანართი № 3).
4. დაწესებულებას შესასრულებლად განესაზღვრა შემდეგი რეკომენდაციები:

რეკომენდაციები:

1. რეკომენდებულია, პროგრამის სწავლის შედეგებში გასწორდეს შინაარსობრივი გადაფარვები მე-7 და მე-10 სწავლის შედეგებში.
2. რეკომენდებულად მიგვაჩნია, გადაიხედოს კურიკულუმის რუკა და დაზუსტდეს თითოეულ სწავლის შედეგზე გამსვლელი კურსი დონეების მითითებით.
3. რეკომენდებულია, არგუმენტირებული ნაშრომის შექმნის უნარ-ჩვევების გამომუშავებისათვის განსაზღვრულ საგანში: „მეტყველების კულტურა: აკადემიური წერა“, აისახოს აკადემიური კეთილსინდისიერებისა და პლაგიატის საკითხები.
4. რეკომენდებულია, ფილოლოგიის დარგობრივი მახასიათებლის შესაბამისად, პროგრამაში განისაზღვროს ლიტერატურის თეორიის სწავლება და აისახოს სწავლის შედეგებში.
5. შპს ქართულ-ამერიკული უნივერსიტეტის ქართული ფილოლოგიის საბაკალავრო პროგრამის შემადგენელი ორი სასწავლო კურსის - „მეტყველების კულტურა: საპრეზენტაციო უნარ-ჩვევები“ (LIB 002) და „სალიტერატურო ენის ნორმალიზაციასტანდარტიზაცია“ (LIB 137) - შინაარსი (თემატიკა) და მითითებული ძირითადი ლიტერატურა იმეორებს ერთმანეთს; რეკომენდებულია სათანადო შინაარსობრივი ცვლილებების შეტანა აღნიშნულ სილაბუსებში, რათა აღმოიფხვრას ეს დამთხვევები.

6. რეკომენდებულია, საგანს „სოციოლინგვისტიკა“ (GEO 016) ეწოდოს „სოციოლინგვისტიკის შესავალი;“ ამას განაპირობებს მისი შინაარსი, რაც ასევე დაფიქსირებულია სილაბუსში ჩამოთვლილ სასწავლო კურსის მიზნებს შორის: „გააცნობიერებინოს დისციპლინის შესავალი კურსი.“
7. რეკომენდებულია, „სოციოლინგვისტიკის“ (GEO 016) სასწავლო კურსის სილაბუსში არ იყოს მითითებული ისეთი რესურსები, რომლებიც ერთი მხრივ, სტუდენტებისათვის ხელმიუწვდომელია ენის შესაძლო არცოდნის გამო, ხოლო მეორე მხრივ, არის ფართო სამეცნიერო წრეში არაღიარებული ინფორმაციის შემცველი. ასეთებია: www.krugosvet.ru და <http://www.rsuh.ru/article.html?id=398>
8. რეკომენდებულია, შეიქმნეს საგამომცემლო საქმის შესაბამისი სასწავლო კურსი და შეივსოს ტექსტის რედაქტირებასთან ერთად საგამომცემლო საქმის შესაბამისი თემატიკით, ან პროგრამის მიზნებიდან და სწავლის შედეგებიდან ამოღებულ იქნეს აღნიშნული ჩანაწერი.
9. რეკომენდებულია გაიზარდოს რეცენზენტის ქულობრივი წილი შეფასებაში, ხოლო ხელმძღვანელის ქულობრივი წილი დაყვანილ იქნას მინიმუმამდე, ან გაუქმდეს.
10. რეკომენდებულია, ერთის მხრივ, პროგრამის სწავლის შედეგების მოდიფიცირებისთვის, ხოლო მეორე მხრივ, მათი შეფასების მიზნით შემუშავებულ დოკუმენტებში არსებული შინაარსობრივი უზუსტობებისა და შეუსაბამობების გასწორების მიზნით, ხარისხის უზრუნველყოფის სამსახურის მიერ განხორციელდეს სამუშაო შეხვედრები პროგრამის ხელმძღვანელთან და შედეგებზე გამსვლელი სასწავლო კურსების განმახორციელებლებთან, რათა მოხდეს არსებული ხარვეზების გამოსწორება.

რჩევები:

1. სასურველია, არგუმენტირებული ნაშრომის შექმნის უნარ-ჩვევების გამომუშავებისათვის განსაზღვრული საგნის: “მეტყველების კულტურა: აკადემიური წერა”, სწავლება მოხდეს ელექტრონული პლატფორმის ჩართულობით, რომლითაც მოხდება ნაშრომის შემოწმება პლაგიატის ამომცნობი სისტემით;
2. სასურველია, სასწავლო კურსებში მოცემული სავალდებულო და არჩევითი ლიტერატურის მოცულობა შეესაბამებოდეს სტუდენტის კვირეულ დატვირთვას;
3. სასურველია, სასწავლო კურსი “ქართული ენისა და ლიტერატურის სწავლების მეთოდისა” ამოღებული იყოს პროგრამიდან, რადგან განკუთვნილია პედაგოგიკის დარგისათვის და არ შეესაბამება ქართული ფილოლოგიის უმაღლესი განათლების დარგობრივ მახასიათებელს;
4. სასურველია, პროგრამის მიზნებიდან, შედეგებიდან და პროგრამით განსაზღვრული დასაქმების სფეროდან გამომდინარე, სტუდენტებს ჰქონდეთ შესაძლებლობა, პრაქტიკა გაიარონ კულტურის სფეროში, საგამომცემლო და მასობრივი ინფორმაციის დაწესებულებებში, სამეცნიერო-კვლევითი პროფილის მქონე ორგანიზაციებში და სხვა;
5. სასურველია, პროგრამის სწავლა-სწავლების მეთოდების ჩამონათვალიდან დაწესებულებამ ამოიღოს დისტანციური სწავლების მეთოდი;
6. სასურველია, რომ გაიზარდოს პარტნიორი უნივერსიტეტებისა და დაწესებულებების რაოდენობა;
7. სასურველია, გარე შემფასებლების მიერ სამომავლოდ პროგრამის განვითარებისა და დარგისთვის რელევანტური, თუნდაც განსხვავებული ან/და ორიგინალური ხედვების ასახვის მიზნით პროგრამა, მისი მიზნები, სწავლის შედეგები, კურიკულუმი, სასწავლო კურსები და მათი განმახორციელებელი პერსონალის რეზიუმეები შესწავლილ იქნას უფრო დეტალურად;
8. სასურველია, ჩატარდეს მეტად ჩადრმავებული შრომის ბაზრის კვლევა ქართული ფილოლოგიის საბაკალავრო პროგრამისთვის, რაც პროგრამის გუნდს დაეხმარება დარგში არსებული თანამედროვე ტენდენციებისა და დამსაქმებლების საჭიროებების ასახვაში;

9. სასურველია, პროგრამის განხორციელებაში მონაწილე ყველა აკადემიური თანამდებობის პირი, რომელიც კითხულობს ქართული ფილოლოგიის დარგობრივ სასწავლო კურსებს, ფლობდეს შესაბამის აკადემიურ ხარისხს, ან/და უდასტურდებოდეს უახლესი კვლევები და პუბლიკაციები დარგთან მიმართებით;
10. სასურველია, განახლდეს აკადემიური და მოწვეული პირების პირადი მონაცემები უახლესი კვლევებით;
11. სასურველია, პროგრამა გამრავალფეროვნებული იყოს დარგობრივი კურსებით, მათ შორის, დარგობრივი არჩევითი კურსებით, რათა გაძლიერდეს პროგრამის ძირითადი სასწავლო კურსებით მიღებული ცოდნა, უნარები და კომპეტენციები;
12. პროგრამის ფინანსური მდგრადობისთვის, სასურველია დაწესებულებამ განაახლოს პროგრამის ბიუჯეტი.

5. საბჭოს აღნიშნული გადაწყვეტილება ძალაში შევიდეს 2023 წლის 03 თებერვალს.

6. რეკომენდაციების შესრულების თაობაზე ანგარიშის წარმოდგენის ვადად განისაზღვროს 1 წელი - 2024 წლის 03 თებერვალი.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის

საბჭო

საბჭოს თავმჯდომარე

ბუჩაშვილი გოდერძი




საგანმანათლებლო პროგრამების

აკრედიტაციის საბჭო

საბჭოს მდივანი

ტეფნაძე დავით



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება ¹	ქართული ფილოლოგია Georgian Philology
2	ერთობლივი უმაღლესი საგანმანათლებლო პროგრამა	
3	სტატუსი ²	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	საგანმანათლებლო პროგრამების აკრედიტაციის საბჭოს გადაწყვეტილება N776, 11.12.2012
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება ³	ქართული ფილოლოგია Georgian Philology
6	უმაღლესი განათლების საფეხური ⁴	ბაკალავრიატი
7	დაშვების წინაპირობები	-
8	კვალიფიკაციის დონე ⁵	მეექვსე
9	კვალიფიკაციის დასახელება	ქართული ფილოლოგიის ბაკალავრი 0232.1.1 Bachelor of Georgian Philology
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით ⁶	-
11	დეტალური სფეროს დასახელება და კოდი (ISCED – F – 2013)	ლიტერატურა და ლინგვისტიკა 0232
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი ⁸	მერაბ ალექსიძის №10, ქ. თბილისი, 0160, საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	2023 წლის 03 თებერვალი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	2024 წლის 03 თებერვალი
18	აკრედიტაციის ვადის გასვლის თარიღი	2030 წლის 03 თებერვალი